

**Түркістан облысының адами әлеуетті дамыту
басқармасының Төлеби ауданының адами әлеуетті
дамыту бөлімінің «Балаби» бөбекжайы»
мемлекеттік коммуналдық қазыналық кәсіпорны.**

04-05

**2022-2023 оқу жылының Педагогикалық кеңесінің
хаттамалары**

Тұрақты 16 тармақ (9)

Педагогикалық кеңестің хаттамалары

№1 хаттама Жаңа оқу жылы

Өткізілген орны: "Балаби" бөбекжайы

Өткізілген күні: 31.08. 2022 жыл.

Педкеңес мүшелерінің барлығы: 13 адам

Қатысқаны: 13 адам

Қатыспағандар саны: жоқ

Қатысқандар: Бөбекжай меңгерушісі Л. А.Ахметова, әдіскер, музыка жетекшісі, медбике, шаруа меңгерушісі, психолог және балабақша тәрбиешілері және тәрбиеші көмекшілері

Педкеңестің басталуы: 13.20.

Жұмыстың аяқталуы: 14.50.

Күн тәртібінде қаралатын мәселелер:

1. Қазақстан Республикасы Оқу- ағарту министрінің 2022 жылғы 3 тамыздағы № 348 бұйрығымен бекітілген «Мектепке дейінгі тәрбие мен оқытудың мемлекеттік жалпыға міндетті стандартымен және 2022 – 2023 оқу жылына арналған әдістемелік нұсқау хатпен және Мектепке дейінгі тәрбиелеу мен оқытуды дамыту моделі 2021 жылғы 15 наурыздағы № 137 қаулысымен таныстыру
 2. 2022 -2023 жаңа оқу жылының жұмыс жоспарын бекіту.
 3. Бөбекжайдағы топтардың жасына қарай музыка, дене шынықтыру оқу қызметінің кестесін, перспективалық жоспарды, күн тәртібін және үлгілік оқу жоспарын бекіту.
 4. Жаңа оқу жылына топтардың жұмысын ұйымдастыруға дайындық» атты тақырыптық тексеру қорытындысы.
 5. Мемлекеттік ЖМБС стандарты бойынша барлық топта дамытушы ортаны құру сапасын талдау.
- Қаулылармен таныстыру 15 минут. Жарыссөзге шығу 15 минут. Анықтама беру 15 минут.
- Жалпы уақыт: 1 сағат 30 минутта кеңес отырысын аяқтау

Сөйледі: Педагогикалық кеңесті бөбекжай меңгерушісі Ахметова Ләззат Абдикалыққызы ашып беріп, педагогикалық қызметкерлерді жаңа оқу жылының басталуымен құттықтады. Күн тәртібінде қаралатын мәселелермен таныстырды.

Тыңдалды: Күн тәртібіндегі қаралатын бірінші мәселе бойынша бөбекжайдың әдіскері Саурамбаева Майра Бекеновна сөйлеп, Қазақстан Республикасы Оқу- ағарту министрінің 2022 жылғы 3 тамыздағы № 348 бұйрығымен бекітілген «Мектепке дейінгі тәрбие мен оқытудың мемлекеттік жалпыға міндетті стандартымен және 2022 – 2023 оқу жылына арналған әдістемелік нұсқау хатпен және Мектепке дейінгі тәрбиелеу мен оқытуды дамыту моделі 2021 жылғы 15 наурыздағы № 137 қаулысымен таныстырды. Жаңа стандартта оқу қызметтерін өткізуде көп өзгерістер енгізілгенін түсіндіріп, ұйымдастырылған іс – әрекеттің қалай жүргізілетіні туралы айтты. Апталық жүктемелер болмайтынын, балалармен ойын түріндегі іс – әрекеттер өткізу жайлы түсіндірді. Мектепке дейінгі тәрбиелеу мен оқытуды

дамыту моделінде де не туралы айтылғаны, қандай бағыттар берілгені жайлы айтып, түсіндіру жұмысын жүргізді. Биылғы оқу жылына арналған әдістемелік нұсқау хатта жаңа стандарт пен модель бойынша жұмыс жүргізуіміз керектігі айтылғанын, ұйымдастырылған іс – әрекеттерді ойын түрінде, сонымен қатар жаңа технологиялар қолдану арқылы өткізуге тапсырма берді.

Жарыссөзге шыққандар: тәрбиеші Асимова Назгул іс - әрекетті ойын түрінде өтудің жолдары туралы сұрақ қойды.

Сөйледі: әдіскер Саурамбаева Майра Бекеновна сөйлеп, ойын түріндегі ұйымдастырылған іс – әрекет туралы сұраққа жауап беріп, үлгілік оқу бағдарламасындағы міндеттер бойынша перспективалық жоспар құрылатынын, міндеттерді орындау үшін балаларды ойната отырып, балаларды дамытып, күнделікті іс – әрекеттерді кіріктіріп өту керектігін айтты. Ұйымдастырылған іс – әрекетке жүктеме, сабақ кестесі болмайтынын түсіндірді.

Тәрбиеші Адишева Замира сөйлеп, ойын аймақтарын толықтыруға, тағы да жаңа ойыншықтар қосуға ұсыныс айтты. Бұл ұсынысты педагогтар түгел қолдады.

Тыңдалды: Күн тәртібінде қаралатын екінші мәселе бойынша бөбекжайдың меңгерушісі Ахметова Ләззат Абдикалыкқызы сөйлеп, бөбекжайдың 2022-2023 оқу жылына арналған жұмыс жоспарымен таныстырды. Жылдық жоспардың мақсат, міндеттерімен және атқарылатын оқу тәрбие жұмыстарының мазмұнымен, ашық оқу қызметтерінің, ертеңгіліктердің, баяндама, кеңестер, шебер сыныптардың тақырыптарымен таныстырып, айтып өтті. Биылғы оқу жылында жаңа стандартпен оқу қызметтерін өткізуге әдістемелік көмек ретінде шебер сыныптар тақырыптары қосылғанын айтты. Педагогтар танысып болған соң, бірауыздан бекітуге ұсыныс айтты.

Тыңдалды: Күн тәртібіндегі үшінші мәселе бойынша әдіскер Саурамбаева Майра Бекеновна сөйлеп, балабақшадағы топтардың жасына қарай тек қана мектепалды даярлық тобының іс – әрекет кестесімен, перспективалық жоспармен, күн тәртібімен таныстырып бекітуге ұсыныс айтты. Сонымен қатар апталық циклограмма жазу үлгісіне тоқталып, айтып өтті.

Жарыссөзге шыққандар: тәрбиеші Байзакова Лаура сөйлеп, ұйымдастырылған і – әрекет кестесі болмаса, онда күнделікті оқу қызметін қалай үлгеруге болады деген сұрақ қойды.

Тәрбиеші Қамытбекова Ұлбосын сөйлеп, кіріктіріп өткенге «Тәй – Тәй» технологиясына ұқсатып, ойын аймақтарын жасап, дамытушы ортаға ойындарға арналған материалдар жасайық деген ұсыныс айтты.

Әдіскер Саурамбаева Майра Бекеновна сөйлеп, «Түрлендірілген, кіріктірілген дидактикалық ойындар» байқауын ұйымдастырайық деген ұсыныс айтты. Ұсыныстарды педагогтар қолдап, пікір білдірді.

Тыңдалды: Күн тәртібіндегі төртінші мәселе бойынша медбике Токтыбаева Дина сөйлеп, жаңа оқу жылына топтардың жұмысын ұйымдастыруға дайындық» атты тақырыптық тексеру қорытындысын айтты. Топтардың жұмысында санитарлық талаптар сақталу үшін әр топта жүргізілген дайындық жұмыстарының қандай дәрежеде орындалып тұрғаны туралы анықтама берді. Талап бойынша дезинфекциялау және жуу құралдарының, антисептиктердің, жеке қолдану құралдарының толық болуы қамтамасыз етілді. Топтардың, асхананың, бөбекжай ғимаратының басқа жұмыс бөлмелерінде дайындық жұмыстары жақсы деңгейде екенін айтты.

Жарыссөзге шыққандар: бөбекжайдың меңгерушісі Ахметова Ләззат Абдикалыққызы сөйлеп, тазалық талаптары туралы айтты.

Тыңдалды: Күн тәртібінде қаралатын бесінші мәселе бойынша әдіскер Саурамбаева Майра Бекеновна сөйлеп, Мемлекеттік ЖМБС стандарты бойынша барлық топта дамытушы ортаның жинақталуы туралы сөйледі. Балалардың жан –жақты дамып, өсуіне дамытушы ортаның толық жабдықталуының маңызы зор екенін айта келе, ойын бұрыштарының, кітап бұрышы, ұлттық бұрышы, дамытушы ойыншықтар бұрыштарының толық емесін айтып, жаңалап толықтыруға ұсыныс айтты.

Педагогикалық кеңестің шешімі:

1. Қазақстан Республикасы Оқу- ағарту министрінің 2022 жылғы 3 тамыздағы № 348 бұйрығымен бекітілген «Мектепке дейінгі тәрбие мен оқытудың мемлекеттік жалпыға міндетті стандартымен және 2022 – 2023 оқу жылына арналған әдістемелік нұсқау хатпен және Мектепке дейінгі тәрбиелеу мен оқытуды дамыту моделі 2021 жылғы 15 наурыздағы № 137 қаулысында көрсетілген талаптар орындалсын.
2. 2022-2023 жаңа оқу жылының жұмыс жоспары бекітілсін.
3. Бөбекжайдағы топтардың жасына қарай музыка, дене шынықтыру оқу қызметінің кестесі, перспективалық жоспар, күн тәртібі және үлгілік оқу жоспары бекітілсін.
4. Жаңа оқу жылына топтардың жұмысын ұйымдастыруға дайындық» атты тақырыптық тексеру қорытындысы жақсы деп бағаланып, санитарлық талаптарды сақтау бойынша жұмыстар жалғастырылсын.
5. Мемлекеттік ЖМБС стандарты бойынша барлық топта дамытушы ортаны құру дидактикалық материалдармен толықтырылсын.

Педагогикалық кеңес төрайымы:
Хатшы:



Л.А.Ахметова
М.Б.Саурамбаева

Педагогикалық кеңестің хаттамалары

№2 хаттама

Өткізілген орны: "Балаби" бөбекжайы

Өткізілген күні: 25.11. 2022 жыл.

Педкеңес мүшелерінің барлығы: 13 адам

Қатысқаны: 13 адам

Қатыспағандар саны: 0 Себепті: 0 Себепсізі: жоқ

Қатысқандар: Бөбекжай меңгерушісі Л.А.Ахметова, әдіскер, музыка жетекшісі, медбике, шаруа меңгерушісі, психолог және балабақша тәрбиешілері және тәрбиеші көмекшілері

Педкеңестің басталуы: 13.20.

Жұмыстың аяқталуы: 14.40.

Күн тәртібінде қаралатын мәселе:

Денсаулық сақтау құзыреттілігін дамыту

1.Өткен педагогикалық кеңестің шешіміне есеп

2.«Денсаулық» білім саласы бұрышының жабдықталуы және таңертеңгілік жаттығулар кешенінің, сергіту жаттығулар, ұйқы ашар, сергіту жаттығулар жиынтығының жинақталуы. Байқаудың қорытындысы

3.Тақырыптық бақылау «Дене шынықтыру оқу қызметінің өткізілу барысы» Кіші, Ортаңғы, Ересек, Мектепалды даярлық топтарында

4. Шебер сынып. «Дене шынықтыру технологиялары» Алшымбаева Э.

5. Психологиялық тренинг. Педагогтар арасында жағымды психологиялық жағдай

Тындалды: Педкеңесті бөбекжай меңгерушісі Ахметова Ләззат Абдикалыкқызы ашып беріп, күн тәртібінде қаралатын мәселелермен таныстырды.

Сөйледі: Бөбекжайдың әдіскері Саурамбаева Майра Бекеновна күн тәртібіндегі бірінші мәселе өткен педкеңес шешімдерінің орындалуы туралы ақпарат беріп, шешімдері орындалғанын айтты.

Сөйледі: Күн тәртібіндегі екінші мәселе бойынша бөбекжай меңгерушісі Ахметова Ләззат Абдикалыкқызы сөйлеп, «Денсаулық» білім саласы бұрышының жабдықталуы және таңертеңгілік жаттығулар кешенінің, сергіту жаттығулар, ұйқы ашар, сергіту жаттығулар жиынтығының жинақталуы бойынша қорытынды жасады. «Денсаулық» білім беру саласының бұрышының барлық топтарда толықтыруды қажет ететінін айтып, бала санына спорттық құрал – жабдықтардың жеткілікті емес екенін айтты. Тәрбиешілердің өздері кейбір құралдарды, жалаушаларды, таяқшаларды, түймелі кедір – бұдырлы кілемшелерді қолдан жасауға болатыны жайлы ұсыныс айтты. Таңертеңгілік жаттығулар кешенінің, сергіту жаттығулар, ұйқы ашар, сергіту жаттығулар жиынтығының жинақталуы жақсы екенін атап өтті.

Жарыссөзге шыққандар: тәрбиеші Адишева Замира сөйлеп, спорттық құрал – жабдықтардың кейбіреулерін қолдан жасау жақсы ой екенін айтып қолдады.

Әдіскер Саурамбаева Майра Бекеновна спорттық құрал – жабдықтарға, дидактикалық материалдарға аудандық білім бөліміне сұраныс берсек деген ұсыныс айтты. Таңертеңгілік жаттығулар кешенінің, сергіту жаттығулар, ұйқы ашар, сергіту жаттығулар жиынтығының жинақталуы жақсы дәрежеде жинақталғанын айтты. Айтылған ұсыныстарды педагогтар түгел қолдады.

Сөйледі: Күн тәртібіндегі үшінші мәселе бойынша әдіскер Саурамбаева Майра Бекеновна Кіші, Ортаңғы, Ересек, Мектепалды даярлық топтарында «Дене шынықтыру оқу қызметінің өткізілу барысы» атты тақырыптық бақылаудың қорытындысы туралы айтты. Дене шынықтыру қызметі барлық топтарда аптасына 3 сағат жоспарланғанын, мектепалды даярлық тобында 0,5 сағаты қауіпсіз мінез – құлық негіздері оқу берілген деді. Жоспар, кесте бойынша оқу қызметтері өтілуде және балалардың спорттық формалары ата – аналардың көмегімен жинақталған, әр баланыкі өз қалтасында салынып тұрғанын айтты. Оқу қызметтерінің өткізілу тәртібіне бақылау жүргізгенімде тәрбиешілер оқу қызметінің құрылымын біледі, тәрбиеші де, балаларда спорттық форма киді, негізгі қимылды үйреткенде қауіпсіздік ережесін сақтап, тәрбиеші көмекшісі екеуі бірге жүргізді деді. Ал кемшілік жиберілген, мыс: форма толық болмай қалған, секіру жаттығуының өлшем мөлшері сақталмай қалған, ескі негізгі қимыл қайталанбай тұрып, жаңа қимылды үйретуді бастаған тәрбиешілерге сол уақытында ескерту айтылып, анықтамаға жазылды деді.

Жарыссөзге шыққандар: медбике Токтыбаева Дина бала денсаулығына дене шынықтыру кезінде салмақ салынбау туралы айтып, оқу қызметтеріне жақсы өтіліп жатыр деп өз пікірін білдірді.

Менгеруші Ахметова Ләззат Абдикалыкқызы дене шынықтыру бойынша тақырыптық бақылау туралы және оқу қызметтерінің өтілуіне жақсы деген баға беретінін айтты.

Сөйледі: Күн тәртібіндегі төртінші мәселе бойынша «Дене шынықтыру технологиялары» тақырыбында тәрбиеші Л.Байзакова шебер сынып өткізіп, дене шынықтыру оқу қызметінің технологиялары туралы өз тәжірибесімен бөлісті. Халық педагогикасымен байланыстырып, ұлттық ойындарды қалай өтуге болатыны және оқтаумен қалай жаттығу жасайтыны жайлы педагогтармен жұмыс үргізді.

Сөйледі: Күн тәртібіндегі бесінші мәселе бойынша педагог – психолог Шорбасова Гаухар педагогтар арасында жағымды психологиялық жағдай қалыптастыру мақсатында психологиялық тренинг өткізді. Педагогтар арасында психологиялық ойындар жүргізіп, жұмыс істеу қабілеттерінің жоғарылауына көмектесті.

Педагогикалық кеңестің шешімі:

- 1.Өткен №1 педагогикалық кеңестің шешімінің орындалуы жақсы деп бағалансын.
- 2.«Денсаулық» білім беру саласы бұрышының толық жабдықталуы үшін түймелі кедір – бұдырлы жолдар, жалаушалар, таяқшалар жасалынсын және білім бөліміне спорттық құрал – жабдықтарға сұраныс берілсін, таңертеңгілік жаттығулар кешенінің, сергіту жаттығулар, ұйқы ашар, сергіту жаттығулар жиынтығының жинақталуы жақсы деп бағалансын.
3. «Дене шынықтыру және қауіпсіз мінез - құлық негіздері оқу қызметтерінің барысы атты тақырыптық тексеру қорытындысы жақсы деп бағаланып, кіші топтағы балалардың спорттық формалары толықтырылсын.
4. «Дене шынықтыру технологиялары» тақырыбындағы шебер сыныпта айтылған мәселелер оқу қызметтерінде қолданылсын.
5. Педагогтармен педагог- психолог жетекшілігімен тренингтер өткізу жалғастырылсын.

Педагогикалық кеңес төрайымы:
Хатшы:



Л.А.Ахметова
М.Б.Саурамбаева

Педагогикалық кеңестің хаттамалары

№4 хаттама

Өткізілген орны: "Балаби" бөбекжайы

Өткізілген күні: 31.03. 2023 жыл.

Педкеңес мүшелерінің барлығы: 14 адам

Қатысқаны: 11 адам

Қатыспағандар саны: 3 Себепті: 3 Себепсізі: жоқ

Қатысқандар: Бөбекжай меңгерушісі Л.А.Ахметова, әдіскер, музыка жетекшісі, психолог және балабақша тәрбиешілері

Педкеңестің басталуы: 13.20.

Жұмыстың аяқталуы: 14.50.

Күн тәртібінде қаралатын мәселе:

Шығармашылық, зерттеушілік қабілеттерін, әлеуметтік – эмоционалдық дағдыларын дамыту

1.Өткен педагогикалық кеңестің шешіміне есеп

2. Дөңгелек үстел. «Вариативтік оқыту арқылы мектепке дейінгі тәрбиелеу мен оқытудың әдістемелері мен жаңаша технология тәсілдерін қолдану»

3. Шығармашылық тақырып:

«Ұлттық тағамдар»

4.Оқу - тәрбие жұмыстарының өткізілу барысы туралы

5.Дидактикалық ойындар картотекаларының көрмесі тақырыптық тексеру қорытындысы.

Регламент: Дөңгелек үстел 20 минут. Жарыссөзге шығу 15 минут.

Шебер сыныпқа 15 минут. Анықтама беру 10 минут.Тренинг 10 минут

Жалпы уақыт: 1 сағат 10 минутта кеңес отырысын аяқтау.

Сөйледі: Педкеңесті бөбекжай меңгерушісі Ахметова Лаззат Абдыкалыкқызы ашып беріп, күн тәртібінде қаралатын мәселелермен таныстырды.

Тыңдалды: күн тәртібіндегі бірінші мәселе бойынша бөбекжайдың әдіскері Саурамбаева Майра Бекеновна сөйлеп өткен № 3 педкеңес шешімдері орындалғанын айтты.

Сөйледі: Күн тәртібіндегі екінші мәселе бойынша әдіскер Саурамбаева Майра Бекеновна сөйлеп «Вариативтік оқыту арқылы мектепке дейінгі тәрбиелеу мен оқытудың әдістемелері мен жаңаша технология тәсілдерін қолдану» тақырыбында бір – бірімізбен пікір алмасып, дөңгелек үстел өткізілетінін айтты.

Жарыссөзге шыққандар: тәрбиешілер Камытбекова Улбосын өздері тәрбиешілік қызмет атқаратын кіші «Жұлдыздар» тобы бүлдіршіндері жас ерекшеліктеріне сай үлгілік оқу бағдарламасы бойынша қандай білім - біліктілік дағдыларын меңгерулері қажет екенін айтып берді.

Ересек «Балауса» және «Балапан» тобының тәрбиешілері Алшымбаева Эльмира, Есимбаева Орынкул сөйлеп, өздері оқу қызметтерін өткізетін балалармен үлгілік оқу бағдарламасы бойынша жас ерекшеліктеріне қарай қандай күтілетін нәтижелерге жету керектігі жайлы ерекшеліктерін атап өтті.

Тәрбиешілері Адишева Замира, Байзакова Лаура «Балдаурен» МАД тобының бүлдіршіндеріне үлгілік оқу бағдарламасы бойынша нені меңгерту керек екені жайлы айтты.

Дөңгелек үстелді қорытындылай келе жас ерекшеліктеріне сай үлгілік оқу бағдарламасы бойынша бүлдіршіндерге нені меңгерту керек екендіктері жайлы мәлімет алып, оқып үйренді.

Сөйледі: Күн тәртібіндегі үшінші мәселе бойынша бөбекжай тәрбиешісі Алшынбаева Эльмира «Ұлттық тағамдар» әдістемесін оқу қызметтеріне қолдану атты шығармашылық тақырыбы бойынша шебер сынып өтті. Қазақ халқының сүттен жасалған ұлттық тағамының бірі құртты түрлі түсті етіп бояп, балалардың қабылдау, ойлау қабілеттерін, зейінін дамытуға болатынын айтты. Математика негіздері оқу қызметінде санауға, түстерін ажырата білуге үйретсек, мүсіндеуде қол моторикасын дамытамыз деді. Сонымен қатар балалардың ұлттық тағамдарға деген қызығушылығын оятатынын айтып, Ұлттық тағамдардың жасалу жолдарын педагогтарға көрсетті.

Жарыссөзге шыққандар: тәрбиеші Шамшиева Камшат шығармашылық тақырыбының Ұлттық тағамдарды түрлі түске боялуы балалардың қызығушылығын оятататынын айтып, оқу қызметтеріне қолдансақ деген ойын айтты. Бұл ұсынысты педагогтар түгел қолдады. Әдіскер **Саурамбаева Майра** шебер сыныпта айтылған мәселелер тәрбиешілерге жақсы көмек болғанын айта келе, тәрбиешінің ізденісіне оң баға берді.

Сөйледі: Күн тәртібіндегі төртінші мәселе оқу - тәрбие жұмыстарының өткізілу барысы туралы бөбекжайдың әдіскері **Саурамбаева Майра** сөйледі. Ұйымдастырылған оқу қызметтері мен тәрбиелік іс-шаралардың барысын бақылау туралы айтты. Бақылау педагогикалық қателіктердің алдын алу және кемшіліктерді жою үшін жүргізілетінін айта келе, күнделікті оқу қызметтерінің өткізілуін бақылап жүргенін айтты. Оқу қызметтері оқу қызметтерінің кестесіне сай барлық топта өткізілуде. Алайда кейбір тәрбиешілердің оқу қызметіне дайындығы төмен болған жағдайлар кездеседі. Ол тәрбиешіге сол уақытта ұсыныс, ескерту айтылады деп, оқу қызметтерінің өткізілу барысы туралы айтты.

Сөйледі: Күн тәртібіндегі бесінші мәселе бойынша меңгеруші Ахметова Лаззат Абдыкалыкқызы сөйлеп, дидактикалық ойындар картотекаларының көрмесі тақырыптық тексеру қорытындысы туралы айтты. Дидактикалық ойындар жиынтығының картотекасын әр топ тәрбиешілері жас ерекшеліктеріне сай дайындағанын және ойын шарттары нөмірленіп, қолданылатын құрал – жабдықтары папкаларға салынып ұқыптылықпен дайындалғанын айтты. Мектепке дейінгі

ұйымдардағы жүргілетін оқу- тәрбие жұмыстарында ойын әдісінің маңыздылығын айта келе, картотекаларға оң баға берді. Кейбір ойын құралдарының толық еместігіне толықтыруға ұсыныс айтты.

Жарыссөзге шыққандар: әдіскер **Саурамбаева Майра** сөйлеп, көрмеге қойылған дидактикалық ойындарға жақсы деген баға беріп, әлі де толықтыруды және жаңаша ойындар қосуды айтты.

Педагогикалық кеңестің шешімі:

1. Өткен №4 педагогикалық кеңес шешімінің орындалуы жақсы деп бағалансын.
2. . «Вариативтік оқыту арқылы мектепке дейінгі тәрбиелеу мен оқытудың әдістемелері мен жаңаша технология тәсілдерін қолдану» қолға алынсын.
3. «Ұлттық тағамдар» тақырып Шығармашылық жұмыс қолданылсын.
4. Оқу - тәрбие жұмыстарының өткізілу барысы жақсы деп бағалансын.
5. Дидактикалық ойындар картотекаларының көрмесі тақырыптық тексеру қорытындысы жақсы деп бағалансын.

Педагогикалық кеңес төрайымы:
Хатшы:



Л.А.Ахметова
М.Б Саурамбаева

Педагогикалық кезектен тыс кеңестің хаттамасы

Өткізілген күні: 02.05. 2023 жыл.

Төрайымы: Ахметова Л.А

Хатшы: Саурамбаева М.Б

Қатысқандар: 13

Қатыспағандар саны: жоқ

Күн тәртібінде қаралатын мәселе:

1. Түркістан облысының адами әлеуетті дамыту басқармасының 20.04.2023 жылғы №21-11-07/47//38 хатын басшылыққа алып, Түркістан облысының әкімдігінің 2022 жылғы 29 қыркүйектегі №185 «Мектепке дейінгі тәрбие мен оқытуға мемлекеттік білім беру тапсырысын, ата-ана төлемақысының мөлшерін бекіту туралы» қаулысына өзгеріс енгізу туралы облыс әкімінің 2023 жылғы 12 сәуірдегі №57 Қаулысын жұмыс барысында басшылыққа алу.

Тыңдалды: Кезектен тыс өтіліп отырған педагогикалық кеңесті бөбекжай меңгерушісі Ахметова Лаззат Абдикалыккызы ашып, күн тәртібінде қаралатын мәселемен таныстырды.

Сөйледі: Бөбекжай Ахметова Лаззат Абдикалыккызы сөз алып: «Қаулыда көрсетілгендей, Төлеби ауданы бойынша мектепке дейінгі тәрбие мен оқыту ұйымдарында балалар 9 сағат бойы болатын топдеп көрсетіп, бұл құжат Қазақстан Республикасы Әділет министрлігі Түркістан облысының Әділет департаменті нормативтік құқықтық акті 13.04.2023ж., нормативтік құқықтық актілерді мемлекеттік тіркеудің тізіліміне №6253-13 болып енгізілді.

Осы қаулыны басшылыққа алып, балабақшадағы күн тәртібіміз де өзгереді, әр топ енді 9 сағаттан жұмыс жасайтын болады» - деді.

Жарыссөзге шыққандар: Бөбекжай әдіскері Саурамбаева Майра Бекеновна сөз алып, 9 сағаттық жұмыс барысындағы топтардың күн тәртібімен таныстырып өтті.

Жарыссөзге шыққандар: «Ботақан» тобының тәрбиешісі Шамшиева Камшат Кабиевна сөз алып: «Күндегі жұмыс уақытты таңғы 08:00-ден бастасак, кешке 17:00 топта қалған балалар саны көп, ата-аналар ол уақытта баласына келмейді, сондықтан жұмыс уақыты 09:00 – 18:00 аралығында болса дұрыс болар еді» деп ұсыныс білдірді.

Педагогтар ұсынысты орынды деп қабылдап, бірауыздан келісті.

Педагогикалық кезектен тыс кеңестің ШЕШІМІ:

1. Түркістан облысының әкімдігінің 2022 жылғы 29 қыркүйектегі №185 қаулысына өзгеріс енгізу туралы Түркістан облысы әкімінің 2023 жылғы 12 сәуірдегі №57 Қаулысы жұмыс барысында басшылыққа алынып, күн тәртібі 9 сағат бойы болатын топ болып өзгертілсін.

**Педагогикалық кеңес
төрайымы:**

Хатшы:

Шешіммен келісемін:



Ахметова Л.А

Саурамбаева М.Б